

劍州志卷之十五

州牧桂林李梅賓纂修

宜賓楊端編輯

人物

山川之間氣鍾而為備人其事績遺風寧止榮顯一時而已劍雖僻遠中州若黃兼山陳平父輩學問淵源追踪伊洛是誠所謂邦家之瑞而載乘之光也前賢不遠又安在古今人不相及耶志人物

唐

劍州志

人物

一

王讚帝僕射王廷億孫以孝友聞祀鄉賢

李逢文行俱高尤邃於易人稱養正先生

宋

王省曾成人太宗時召對稱旨辭爵不受歸隱青

虛上賜號青虛山人祀鄉賢

張行成字文饒劍門人學者稱為觀物先生與陳槩

張才成黃棠友善

趙致十字周才會成人性謹厚嗜學少舉進士不第

即歸隱山中貧無以自奉而處之晏然黃兼山稱

其與人交無少長貴賤一於敬恭而能安蓋其天性然也

趙致平字公才致中兄爲人踈俊有才年二十六取上第

陳 栗會成人隱居不仕講明道學名重一時與余槩同爲黃裳友

陳 槩字平甫登乾道間進士與兄栗講明伊洛之旨作潔白堂以自警張南軒爲之記

張隱君失其名永歸人嘉熙戊戌遭亂隱居母黃氏

劍州志

人物

二

病不能興乃躬自襁負冒白刃哀告軍帥曰老母病且篤願貸殘喘使我就鬻獲軍帥憫之諭其衆曰此純孝也母得犯母賴以全

黃 裳字文叔會成人少穎異能屬文登乾道五年進士調通江尉隨改興元府錄事叅軍用留正薦召對賜錢七十萬光宗登極裳役召對除太學博士進秘書郎遷嘉王府翊善每進講隨事効忠上謂王曰黃翊善至誠所講經書當諦聽之王嘗侍燕宮中從容誦酒誥上曰此黃翊善所教也因勞

裳裳曰臣不及朱熹熹學問四十年爲天下第一
等人物若召至寮府宜有裨益上嘉納之紹熙二
年遷起居舍人三年試中書舍人未幾除給事中
抗疏辨趙汝愚之忠劾楊舜卿之離間上不聽起
入宮裳挽上裾至宮門揮涕而出及寧宗即位改
禮部尚書兼侍讀力疾入謝猶奏請任大臣重臺
諫篤孝友勤學問薄嗜好是時韓侂胄已潛弄威
柄裳甚憂之即疾革口占遺表而卒贈資政殿學
士謚忠文爲人簡易端純篤於孝友耻一書不讀

一事不知歷事三朝極言敢諫爲文明白條達務
根理要發明伊洛之旨與其鄉人陳平甫兄弟講
學其師友淵源蓋有自云祀鄉賢

鮮于天一嘉定時人博學能文深得伊洛之旨年三

高計有三而卒學者惜之
高計平 劔門人 嘉定時仕 王文行 俱履
何元寶會成人登進士隱居不仕得黃石公書嫺仙

術村旁有野馬晝匿洞中夜出食禾黍人不敢近
公獨往絡之馬止飲出江池水日行千里因得朝
夕馳陝西尋訪友人友忌而謀之馬即目盲公亦

邊亭

明

母 祥仁宗時爲太僕寺卿掌馬取祀鄉賢

李 冕字文忠少警敏能文父爲郡掾冕從學一日
郡守出諸椽子試得冕文警曰是椽有此兒耶遂
令與其子同學後登第授刑部王事歷員外郎中
明慎有聲遷湖廣按察司僉事因征苗奏功首被
旌賞九年遷福建副使又三年遷陝西按察使未
行聞訃即日就道晝夜兼程感瘴癘卒於途冕資

卷之

人物

四

性嚴毅不輕笑語喜吟詩有崇剛遺稿行於世

李扶元冕子鄢本恕等攻破州城繫其母徐氏掠財
不足欲殺之扶元請以身代賊殺之母獲免

鄭 輅正德六年鄢賊寇劍州輅自西門奔歸謂父
母曰賊至矣吾請死以當之遂自縊於門賊哀之
不入其家父母得免於難

鄭玉旒曾成人少失怙事母以孝聞與其弟玉潔玉
階玉紈相友愛鄢賊之變居民爭入州城獨玉旒
衰絰抱祭主遁去夜陷賊營賊執之以見酋長問

其故義而釋之贈以白金且戒其衆曰無得入其子宅遂免於難

李 棠字民愛正德時人常爲鳳陽縣丞有政聲性至孝子孫守其家法六世不分居當鄢藍之變民死者甚衆棠出資收葬居父喪廬墓 產芝草人以爲孝之所感

趙汝爲性純孝母病籲天代死衣不解帶者三月且啖糞之甘苦以辨愈否及母卒哀毀骨立三年絕酒肉不入內戶服闋踰年猶然親友憫其過哀勸

劍州志

人物

五

至再三始就吉凡遇父母忌日必焚香坐神主前素服蔬食一日不接賓客

杜茂輔正德時人領鄉兵追藍廷瑞至通江白沙河與賊格鬪而死

姜玉山正德七年領鄉兵隨僉事王公追廖麻子至德陽縣大井坪四面受敵力戰而死

姜玉潔字文翠玉山弟也貢入太學常議孔顏曾孟分祀事而叅以喪禮音律等條執政是之任沔陽縣有清譽兄玉山以忠義死節有遺孤撫之無異

已子所著有易學涉見正字訓蒙東山拙稿藏於家

張懋字勉之少篤學勵行爲郡廩生以月餼食族之貧者偶卧病有偷兒入室視之識其人竟不言人服其量後爲陸安令有惠聲

洪爵爲人篤志力學以明經入太學授陝西鳳縣令居官五年不持一錢歸家徒四壁朝不謀夕處之晏然人服其清潔

在忠孝

王思政正德初思政奉本州命爲巡捕操鍊鄉兵守

劍州志

人物

六

南門鄢藍之變城陷自刎死

王才啓郡廩生有膂力善射正德六年賊攻城急州判羅明素知其勇請偕登城拒敵才敢射殺數賊城陷被殺

趙俊正德六年寇至俊率兄弟子侄守北城賊入圍之且闔且却至南門俱被殺其子正蘭死於城下屍既僵兩手猶執刃

朱琳正德六年遇變登城拒敵城陷殺一賊而死趙炳然字子晦嘉靖時進士歷貴州道監察御史京

都御所在有聲後總督宣大寇三處犯邊公率將士一夜馳二百里三戰皆捷上念勲勞召還加大子少保兵部尚書卒謚恭襄祀鄉賢

熊智嘉靖時人父早逝力作養母母病焚香祝天求以身代復引刀割股和藥以進母病遂愈

楊廷器字子重嘉靖時人性敏嗜學屢誦省闈遂起明經入國學中順天戊子鄉試平生言動一無所苟一時學者咸師事之

羅珥字汝珍篤志潛修魁嘉靖丙午鄉試令紫陽

劍州志

人物

七

陞衡州府判官陸姚州知州轉德安同知所至皆有賢聲

羅申元字文魁任襄陽經歷為人誠篤耿介治民不擾襄人頌之歸隱漿池之野憫族貧缺冬享因捐金易水陸田若干畝以贍之郡守楊如震爲之紀其事

楊子陞字諧明萬曆庚子舉人任雲南武定府同知監軍討賊卒於陣贈大理寺卿祀鄉賢

楊子禹字定明萬曆壬子舉人崇禎十年流賊攻破

州城門率子在親族巷戰俱被殺

梁一言字行之每事以聖賢爲師築室鶴山日誦數千言州守慕其高往就之始得一見所著有心法要旨家塾訓三動錄恕齋文集詩學襍韻等書梁可宗郡庠生以孝友聞於時其女翁守節可宗分田產奴婢贍養終身

國朝

趙弘覽字僧照明尚書炳然之曾孫也少閱歷艱苦以經史自勵登順治戊戌進士任江西廬陵令補於當道祀之名宦祠

劍州志

人物

八

江南虹縣令在任清慎仁恕去之日虹人思之請王來熊字叶夢性剛介居家嚴重人不敢干以私任河南新野令在官以清苦自守及歸囊橐蕭然義僕王承祖舉人梁繩武之老僕也流賊屠劍其主全家遇害幼主繩武尚在襁褓承祖舍其子負武以逃脩歷艱若及

大清定鼎遣使讀書登庚子鄉試州守咸大猷魯加旌漿學正嚴於屏撰文表其事